

四庫未收書輯刊編纂委員會編

四庫未收書輯刊

北京出版社

肆輯·拾捌冊

四庫未收書輯刊

四庫未收書輯刊編纂委員會編

北京出版社

肆輯・拾捌冊目錄

元和郡縣圖志闕卷逸文三卷〔清〕繆荃孫輯

一

今古地理述十八卷首三卷末一卷〔清〕王子音撰

二三

歷代黃河變遷圖考四卷〔清〕劉鶚撰

七〇一

〔清〕繆荃孫輯

元和郡縣圖志
闕卷逸文三卷

清光緒刻本

元 縣 志 卷 一
齊 三 卷

雲自
在堪

元和郡縣圖志關卷逸文卷一

賜進士出身翰林院編修 國史館纂修江陰繆荃孫校輯

關內道

商州

商州卽陰晉地也 通鑑地理通釋七 周夢堂原輯

商洛縣

武關在縣東九十里卽少習也楚懷王三十年秦昭王遣懷王書願會武關詐令一將軍伏兵武關號爲秦王至則閉執之以歸八月沛公攻武關入秦又七國反周亞夫擊之趙涉說曰從此右走藍田出武關抵雒陽不過差三日直走武庫擊鳴鼓諸侯聞之以爲將軍從天而下 通釋七 周輯

元卷一

河北道

幽州

薊縣

薊城南北九里東西七里開十門燕慕容皝都此鑄銅爲馬

城東南因有銅馬門之名 讀史方輿紀要十一

劉虞家在薊縣西雖屬縣境而莫知所在 永樂大典四千六百五十五

劉琨家在縣東二十里按晉書琨與幽州刺史段匹磾同謀

討石勒屯薊城後爲匹磾所害 同上

涿州

歸義縣

易水在縣南二十五里 通釋七 周輯

安次縣

安次郡本魏之常道鄉城明帝封燕王字子奐為安次縣常

道鄉公即此地也大典四千六百五十七

固安縣

方城故在縣南十七里本燕舊邑通釋七周輯

方城縣

督亢亭徐野曰方城縣有督亢亭大典四千六百五十五

順州順興郡大典四千六百五十六

有納款關亦謂之居庸關其北有防禦軍古夏陽川淮南子

云天下九塞居庸是其一也大典四千六百五十七

莫州

《元通》

任邱縣

隋時屬滿州北道刊誤志

平州

盧龍縣

碣石在縣南一十三里通釋五嚴觀補志原輯

薊州

漁陽縣

燕山在縣東南六十里召公所封燕在幽州城取此山為名

通釋

山南道

江陵府

楚稱王都郢西盡巴蜀東包吳會南極百越北際周韓與地紀勝

荆州 高帝五年置南蠻校尉同建安十三年劉表為荆

州刺史卒子琮降于曹操盡有其地同吳克荊州呂蒙

及朱然陸遜相繼守之晉平吳改為南平郡治江安尋復為

南郡羊祜杜預繼治荊州或鎮襄陽或鎮江陵東晉王忱治

於江陵營城府此後常以江陵為州治紀勝作理所自東晉以後

居建業以揚州為京師根本荊州為上流重鎮比周之分陝

焉通釋十一宋文帝嘗鎮荊州齊因之後魏孝文南侵齊失宛

穰之地魏于穰宛置荊州于是復有二荊州紀勝荆州府開皇

九年平陳廢南荊州為公安鎮同唐武德四年平蕭統復

為荊州同七年置大都督府上上元元年改為江陵府

《元通》

江陵縣

秦分郢為江陽縣二縣俱立景帝三年改江陽為江陵以郢

併之紀勝江陵府

楚宮梁元帝即位于楚宮蓋取渚宮以名宮紀勝江陵府通釋十二

渚宮楚別宮左傳曰王在楚宮水經注云今城楚船宮地也

春秋之渚宮紀勝江陵府

東城魏以蕭管為梁王居東城紀勝江陵府

西城梁王督稱藩于魏置總管以輔之居西城紀勝嚴輯東西互易誤

燕尾洲紀勝江陵府

故郢城在縣口三里即楚舊都也子囊臨終遺言必城郢即

此也紀勝江陵府

江陵府城州城本有中隔以北舊城也以南關羽所築羽北國曹仁于樊留糜芳守城及呂蒙襲破芳羽還救城聞芳已降退住九里曰此城吾所築不可攻也乃退保麥城今江陵城廣十八里紀勝江陵府

魯宗之壘在縣東一十里紀勝江陵府

司馬休之壘在縣東十里紀勝江陵府

枝江縣 本漢舊縣在八里洲其西首曰岑頭縣居其上後公彭經憩于此因名岑頭紀勝江陵府 縣有九十九洲補志 沮水出房州房陵縣東山東南過枝江縣入於江通釋

穫湖在縣東沈攸之爲荊州刺史堰湖開瀆田多收穫因以紀勝江陵府

爲名紀勝江陵府

元遠

四

岑頭洲洲長百里其西首曰岑頭昔岑彭討公孫述曾經憩于此因名曰岑頭洲紀勝江陵府

當陽縣 本漢舊縣後周武成三年於此立平州隋廢平州

至唐武德四年又於此置平州並析置臨沮縣六年改爲王州紀勝江陵府 八年省隸荊州同

麥城在縣東五十里關羽保麥城在沮漳二水之間王粲於此登樓而賦曰挾清漳之通浦倚曲沮之長洲是也紀勝江陵府

磨城在縣東四十里紀勝江陵府

綠林山在縣東南一百二十里漢光武起兵于此紀勝江陵府 長林縣 本漢江陵縣地晉安帝時分置長林縣紀勝江陵府

開皇十八年改長甯爲長林同

櫟林長坂在縣西北九十里益德橫矛之處紀勝江陵府

石首縣 本漢南郡華容縣地唐武德四年復置屬荊州以石首山爲名紀勝江陵府

石首山在縣北江中有石孤立爲北山之首因名紀勝江陵府

松滋縣 本漢高城縣地屬南郡紀勝江陵府

三明故城亦謂桓城在縣西一里居上明之地而作爲桓沖所築故兼二名符堅南侵沖爲荊州刺史渡江南上明築城以禦之上明在縣東明猶渠也通釋 因城在渠首故曰上明補志

晉朱齡石開三明引江水以灌稻田大爲百姓興利紀勝江陵府 後堤壞遂廢通釋

元遠

五

公安縣 本漢房陵縣地左將軍劉備自襄陽來油口城此而居之時號左公紀勝江陵府

馬頭城在公安縣陸抗所屯以北對江津與羊祜相距紀勝江陵府

孫夫人城在房陵城東五里漢昭烈夫人權妹也與昭烈相疑別築此城居之補志 孫夫人城在縣相傳此乃劉備妻孫夫人所作此城不與備同住

房陵城東有地名沓中晉永嘉末荊州刺史王澄自江陵徙居房陵又奔沓中是也補志

房陵又奔沓中是也補志

夷貢荊州之域春秋及戰國屬楚紀勝江陵府 魏武置臨江郡理

夷陵蜀先主改爲宜都郡後卻屬吳同 吳黃武元年陸遜

大破蜀于夷陵遂改夷陵爲西陵陸抗疏曰西陵國之西門

雖易得亦易失如有不虞當傾家爭之即此處也謹按孫氏

自鼎足後自黃武初被蜀先主後得之天紀四年晉軍沿流

來伐守將吳彥請增兵不從即今巴東郡也建安二十四年

因蜀將關羽北討魏將于禁等于襄陽陸遜爲宜都守鎮此

黃武初蜀來伐遜大破之後步闕陸抗並鎮焉即今夷陵郡

也吳建衡二年陸抗所築樂鄉城後朱然修之成焉晉王濬

攻樂鄉獲水軍督陸景平西將軍施洪以城降在江陵郡松

滋縣東自建安克關羽後蜀糜芳來降遂得之鳳皇元年將

張威天紀末伍延並守之晉軍平吳杜元凱赴于此即今江

元遜

六

陵郡也建安十九年魯肅寶鼎元年萬歲並鎮守即今巴陵

郡也建安十三年孫權征黃祖克之後將軍胡奮赴于此即

今江夏郡也甘露元年城武昌陸遜諸葛恪滕牧皆鎮守晉

平吳將軍王戎赴此即此江夏郡也建安十九年權征皖克

之次年諸葛恪屯此即今同安郡也天紀末何植鎮守晉平

吳大將軍王渾赴于此即今宣城郡當塗縣采石也建安十

九年築塢後曹公類來攻今在歷陽縣西南八十里右十鎮

並爲重鎮 玉海十九

周輯

周武帝以州居三峽之口因改名硤州 紀勝 大業二年改

夷陵郡 同

夷陵縣 蜀先主改臨江爲宜都郡改夷陵爲西陵縣晉太

康元年西陵復爲夷陵 紀勝 郡城陸抗所築之壘也 同

與勝覽引元和志云郡城陸 方 陸遜爲宜都守蜀來伐大破

抗所築吳改西陵以爲重鎮 之通釋

西陵峽在夷陵西北二十五里吳志云陸遜破劉備還屯夷

陵守峽口以備蜀即此也 通釋十二

下牛鎮在縣西二十八里隋於此置峽州 通釋 正觀九年

移於步闕壘其舊城因置鎮 紀勝

縣有七谷村有石馬穴一曰馬穿口常有白馬出穴人逐之

入穴潛行出漢中漢中人失馬亦出此穴相去數千里相通

寰宇記

宜都縣 漢武開西南夷由此故曰夷道縣蜀置宜都郡 勝

元遜

七

陳改夷道縣爲夷都縣 同

荆門山在縣西北五十里 通釋

安蜀城陳太建二年征江陵周軍于峽口岸築壘名安蜀城

以備陳又隋伐陳陳將顧覺戍此 通釋十三

長陽縣 本漢之佷山縣屬武陵郡隋開皇八年改爲長陽

縣正觀八年來屬 紀勝

遠安縣 本漢之臨沮東晉義熙分臨沮置高安縣後周武

成元年改爲遠安 紀勝

江有狼尾灘 通釋

縣有陸抗城故城之南有孤山俯見大江如縈帶舟船如鳧

寰宇記

巴山縣 廢假山縣遂置巴山縣開皇五年置巴山縣天寶八載廢縣置巴山成紀勝

丹山有石鷲在仙室山西後連丹山宜都記曰丹山時有赤氣籠照如丹故名有五龍山山有五峰若龍狀因名寰宇記

歸州

禹貢為荊州之域紀勝 於周為夔子之國又樂緯曰昔歸典樂協聲律注曰歸即夔與楚同祖後王命為夔子楚以其不祀滅之上 魏武平荊州以秭歸屬臨江郡上 晉武平吳置建平郡即今夔州巫山縣是也秭歸縣仍隸焉紀勝 秭歸縣 漢置秭歸縣周武帝改秭歸為長壽縣隋開皇二

元遠一

八

年屬信州大業中以信州為巴東郡又改長甯為秭歸縣唐置歸州以縣為治紀勝

其城東北二面並臨絕澗西天溪南大江實為天險相傳謂之劉備城云案先主征吳連營七百里至秭歸此城蓋當時先主所築也 紀勝 歸州

丹陽城在縣東七里楚之舊都也周武王封熊繹於荊丹陽之地即此也與江南丹陽不同紀勝

夔子城在縣東二十里昔周成王封楚熊繹初都丹陽即此後移枝江亦曰丹陽又移都鄧吳置建平郡在此寰宇記

白狗峽石形隱起如狗因名之此石大水則沒行人無不投飯飼之紀勝

大清鎮在縣東七里相傳云此城居三峽要衝塞山蠻之路

孫權於此置城以備蜀號曰吳城開皇七年於此置大清鎮紀勝

巴東縣 本漢巫縣地紀勝

興山縣 其城南枕江西帶山東臨香溪水紀勝

高陽城在縣西三里城在山上楚自以為高陽之裔故有高

陽城紀勝

屈原宅在縣北三十里紀勝

夔州

奉節縣 本漢魚復縣通釋十一

永安宮在縣東七里先主改魚復為永安通釋

曰帝山即州城所據也與赤甲山接初公孫述殿前井有白

元遠一

九

龍出因號曰帝城城周迴七里西南二里因江為池東臨漢

溪惟北一面小差逶迤羊腸數轉然後得上通釋

赤甲山在城北三里漢時嘗取邑人為赤甲軍蓋犀甲之色

也補志

八陣圖在縣西七里通釋十一

雲安縣 周武帝改為雲安縣屬巴東郡紀勝 郡有橘

官鹽官上

大昌縣 以為巫縣紀勝 晉武帝於此置建昌縣上

隋開皇元年改曰大昌縣上

澧州

禹貢荊州之域紀勝 春秋戰國皆屬楚秦兼天下屬黔中

郡上 今州理卽漢武陵郡之武陵縣零陽縣地上 吳景

帝永安六年分武陵郡西界立天門郡上 隋開皇九年平

陳廢南義陽郡置松州尋改爲澧州以州在澧水之北故以爲名上 隋末陷于羣盜上 唐武德四年平蕭銑復置澧

州上 同 州境東西九十里南北一百

五十里 寰宇記補闕

澧陽縣 本漢零陵縣地屬武陵郡上 晉分零陽置澧

陽縣屬天門郡上 同

大浮山在縣西南一百三十五里上 紀勝

澧水在縣南六十步上 紀勝

安鄉縣 本漢房陵縣地屬武陵後漢分置作唐縣隋平陳

元一

改置安鄉縣屬澧州上 紀勝

石門縣 案今縣卽吳之天門郡上 紀勝

黃石山在縣西北二百一十里有溪出雄黃頗神異上 紀勝

慈利縣 本漢零陽縣地屬武陵郡縣在寒水之北故曰零

陽上 紀勝 澧州 補志輯原文 隋改慈利唐因之上 補志輯

故充城在縣西二百四十里武德中所置崇義縣東北一里

故充城是也上 紀勝

朗州

禹貢荊州之域上 紀勝 秦昭襄王使司馬錯攻黔中拔之

使蜀守張若伐取巫郡及江南爲黔中郡上 同 漢高帝五年

更名武陵郡今州漢武陵郡也上 同 隋開皇九年文帝平陳

置武陵郡改武州爲辰州上 同 大業三年煬帝更爲武陵郡

州境東西一百里南北一百七

十五里 寰宇記補闕

武陵縣 本漢臨沅縣屬武陵郡後漢建武二十三年武陵

蠻叛遣伏波將軍馬援討之破於臨沅卽此地也隋平陳改

爲武陵縣屬辰州隋開皇十六年改屬朗州上 紀勝 常

沅水經縣南二十步上 紀勝 常

善德山在縣東九里此山本名枉山開皇中刺史樊子蓋以

善卷嘗居此山名善德山上 紀勝 常

枉水出縣南藉山名曰枉渚善卷所居時人號曰枉渚楚詞

云朝發枉渚夕宿辰陽亦此謂也上 紀勝 常

元一

樊城在縣北八十九里漢樊重居此有肥田數千頃歲收穀

千萬斛上 紀勝 常

張若故城在州東四十步初秦昭王使白起伐楚遣張若築

此城以拒楚并統五溪後漢梁松伐蠻又修此城自義陵移

郡居之上 紀勝 常

司馬錯故城在縣西二里錯與張若伐楚黔中相對各築一

壘以扼五溪咽喉後馬援又修之上 紀勝 常

黃岡山在縣西一百四十里上 紀勝 常

廖立墓在縣東北十里上 紀勝 常

龍陽縣 在州西南北一百四十里本漢索縣地吳分立龍

陽縣屬武陵郡隋平陳屬辰州開皇十六年改屬朗州上 紀勝 常

府

凡洲沅水西北自武陵縣界流入龍陽縣界歷凡洲洲長二
十里即漢李衡種柑之所紀勝常

忠州

桂溪縣紀勝梁
山軍

容溪水紀勝梁
山軍

萬州

春秋及戰國並屬巴國紀勝 秦屬巴郡今州即漢巴郡胸

脇縣之地同 後魏置安鄉郡又改萬川同 武德二年立

浦城郡同

南浦縣 本漢胸脇縣地紀勝
萬州

《元通》

嚴嚴梁山積石我我紀勝
萬州

武監縣 周分沅陽屬懷德郡後魏改曰武監紀勝
萬州

梁山縣 本漢胸脇縣地周武帝於此分置梁山縣屬萬川

郡紀勝梁
山軍

景穴有嘉魚甚美同於蜀漢紀勝梁
山軍

塗溪水在縣南八十步紀勝梁
山軍

七城山在縣西二十里紀勝梁
山軍

柏枝山在縣南十里紀勝梁
山軍

金州

東漢末魏武破張魯於城西置西城郡紀勝 晉武帝改安

陽縣曰安康縣又立安康郡同

西城縣 本漢舊縣屬漢中郡魏武破張魯於西城縣置西
城郡紀勝
金州

魏山在縣西南九里其山東西南三面絕險不通者晉吉把
爲梁州督護符堅使韋鍾伐之挹於急口岐山爲壘固守鍾

三年不能下紀勝
金州

漢水去州城百步水出楚金其色稍白不任貢獻紀勝
金州

東流爲漢水歷洋州繁紆千數百里而後至金之境紀勝
金州

西城山在州北五里紀勝
金州

趙臺山在縣南二里梁代漢水泛溢人皆走北山上紀勝
金州

石泉縣 正元元年刺史姜公輔奏置紀勝
金州

洵陽縣 本漢舊縣屬漢中郡因洵水以爲名紀勝
金州

《元通》

洵水出縣北洵山去縣一百五十步紀勝
金州

方山關在縣西三十二里正觀十二年置北阻方山南臨漢

水當東南驛路紀勝
金州

梁門山在縣東八十里梁將五神令開拓成境梁門爲界之

也紀勝
金州

鳳凰山在縣一百五十里山上有十二層懸疎萬仞紀勝
金州

月川水出縣東梁門山水出楚金紀勝
金州

山南道

集州

本漢宕渠縣地紀勝 晉自李特竊據至李壽時夷獠散居

其地梁武帝大同中於此立東巴州西魏恭帝二年改東巴

州為集州同

雞江縣紀勝

大牟縣紀勝

通平縣 本漢葭萌縣地梁於此置通池縣開皇省入伏強

縣七年改為清化縣又改為通平縣紀勝

嘉川縣紀勝

石驀山在縣西北六十里山甚高險梯格乃得登之獠人常

恃此以為阻紀勝

壁州

本漢宕渠縣地紀勝 李雄亂後為夷獠所據梁末其地內

屬及後魏置諾水縣後省同

通江縣紀勝

符陽縣 魏於此立符陽縣唐屬集州紀勝

白石縣 本漢之宣漢縣魏立白石縣隋屬集州大業屬巴

州唐屬夔州紀勝

東巴縣 開元置太平縣天寶改為東巴紀勝

巴州

禹貢梁州之域紀勝 後漢分宕渠縣北界置漢昌縣同

李壽時有羣獠十餘萬從南越入蜀散居山谷此地遂為獠

所有同 宋置歸化水北二縣同

清化 本漢葭萌縣地梁置伏強縣周改伏強為清化縣

正觀屬巴州紀勝

大牟山在縣東二里紀勝

曾口縣 本漢宕渠縣地宋末於此置歸化郡以撫獠戶無

屬縣梁普通六年於郡置曾口縣紀勝

歸仁縣 本漢宕渠縣地後為獠所據宋置平州隋改歸仁

巴州紀勝

始蓋縣 梁置遂蓋郡及始蓋縣隋罷郡以縣屬巴州紀勝

奇章縣 梁于此置奇章縣開皇以縣屬巴州紀勝

恩陽縣 本漢閬中縣地梁普通六年分閬中置義陽郡及

義陽縣屬巴州縣城置在義陽山上四面懸絕隋開皇十八

年改曰義陽縣紀勝

七盤縣 久視元年於山側近置七盤縣紀勝

蓬州

禹貢梁州之域紀勝 秦屬巴郡漢即巴郡之宕渠縣地同

晉屬巴西郡同 李特孫壽時夷獠散居不置郡縣同

大同元年梁立伏虞郡同 後周武帝立蓬州因蓬山以為

名同

蓬池縣 本漢閬中縣地梁天監元年分置大寅縣因大寅

縣池以為名紀勝

樂龍山在縣南三里紀勝

良山縣 本漢宕渠縣地梁大同元年分置安固縣紀勝

隋開皇三年罷郡以縣屬蓬州開元二十九年州自此移理

蓬池同

儀隴縣 本漢閬中縣地梁天監元年於此置儀隴縣以山

名儀隴故也初屬閬州隋改屬蓬州紀勝蓬州

伏虞縣 本漢宕渠縣地梁大同中置宣漢縣隋開皇十八年改宣漢為伏虞隋志置宣漢縣十八年改縣名伏虞焉紀勝

州

伏虞山在縣東南六十五里甚險夷獠被征討即入此山中紀勝蓬州補志

閬州

禹貢梁州之域紀勝閬州周梁合於雍又為雍州地同在秦

為巴郡閬中縣也同魏廢帝時置隆州同治古閬中城

又改巴西為盤龍同先天元年改為閬州取閬水以

元

七

為名

閬中縣 閬水行曲經縣三面縣居其中以此為名漢范目

張魯皆封閬中侯紀勝閬州

彭道魚池在州西南袁宇記

晉安縣 梁於此置金遷戍後周置晉安縣隋併入晉城縣

武德中復為晉安縣紀勝閬州

南部縣 本漢南充縣地梁置南部郡周閔帝天和初改為

南部縣屬盤龍郡紀勝閬州隋大業三年改屬巴西郡先天二

年改屬閬州同

九子山在縣東九十里有九峯因名又名九隴山紀勝閬州

蒼溪縣 宋元嘉八年分置漢昌縣隋開皇三年屬隆州

八年改為蒼溪縣以蒼谷為名紀勝閬州

雲臺山在縣東南三十五里紀勝閬州

奉國縣 本秦閬中縣地後魏恭帝二年於此置奉國縣紀勝

州

新井縣

充國故城在縣東北二十八里紀勝閬州

新政縣 本漢充國縣地皇朝武德四年割相如南部二縣

立新城縣以隱太子建成諱改名新政縣紀勝閬州

岐岷縣 宋於此立宋安縣後魏改岐岷隋開皇末割屬閬

州紀勝閬州

果州

元

七

禹貢梁州之域紀勝順慶府春秋戰國時為巴子國秦滅巴立

為巴郡即漢巴郡之安漢縣也安漢縣在州北三里今自李

雄之亂巴境荒殘至宋於安漢故城置南宕渠郡同開皇

三年屬閬州同大業初屬巴西郡同

南充縣 隋開皇十年改縣曰南充唐武德四年於縣立果

州以縣屬焉紀勝順慶府

陳壽故宅在縣郭內紀勝順慶府

馮緄為車騎將軍於此鑄崖刻石十有餘處今果山有車騎

崖補志引

相如縣 周閔帝省縣紀勝順慶府

龍角山在縣東二百步紀勝順慶府

相如故宅在縣南二十五里居漢嘉陵水有臺名相如亭臺

水北有相如坪紀勝渠州

流溪縣 本南充縣地唐開耀元年析置流溪之側因以為

名紀勝順慶府

重石山在縣南一里紀勝順慶府

岳池縣 本南充相如二縣之地紀勝渠州

安岳山紀勝順慶府

渠州

禹貢梁州之城紀勝渠州 秦滅巴國以為郡同 後漢第五倫

常為宕渠令同 建安末蜀先主割巴郡之宕渠等三縣置

宕渠郡同 大通三年又置渠州同 大業三年罷州為宕

渠郡同 武德元年復為渠州同

流江縣

宕渠山紀勝渠州

宕渠水在縣口二里一名渝水紀勝渠州

故寶城在縣東北七十里紀勝渠州

渠江縣 本漢宕渠縣地梁普通三年於此置漢安縣屬北

宕渠郡開皇三年屬渠州十八年改為寶城縣武德元年復

為始安縣至德二年改為渠江縣紀勝渠州

富靈山在縣東南七十里峻峭多藥物寶靈仙所居紀勝渠州

鄰山縣 本漢宕渠縣地自晉至齊並為夷獠所據梁大同

三年於此置鄰山縣紀勝渠州 縣城南北三面有池圍繞東阻

湟水甚險俗號為金城同

鄰山在縣口一百三十九里其山谷西入鄰水縣界紀勝渠州

鄰水縣 本漢宕渠縣地後陷夷獠紀勝渠州 補志有鄰

孫按舊唐志云武德三年屬渠州袁宇記云寶勝同 中山南東

道節度使裴度奏廢入鄰山故新志無之即補志所由本而

廢據以補入

鄰山在縣西四十里此山重疊鄰比相次迤邐南盡縣界此

山出鐵紀勝渠州

鄰水在縣口口其源出縣東鄰山縣二十六里中有大磧

懸流十丈奔急若驚湍電瀉紀勝渠州

大竹縣補志無此縣通典屬蓬州至孫按紀勝引皇朝郡縣

年割入渠州補志無此縣通典屬蓬州至孫按紀勝引皇朝郡縣

中廢據以補入

龍蘭山在縣北二十里紀勝渠州

貴溪水在縣北二十里紀勝渠州

元和郡縣志關卷逸文卷一

元和郡縣志關卷逸文卷二

賜進士出身翰林院編修 國史館纂修江陰繆荃孫校輯

淮南道

揚州

禹貢淮海惟揚州唐虞淮海之間皆周域也紀勝揚州 覽百六十九引

作禹貢九州 春秋時屬吳七國屬楚秦滅楚為廣陵併天

下屬九江郡漢為江都國建武元年復曰揚州御覽百六十

補志

江南之氣燥勁故曰揚州紀勝 吳魏交爭之地通釋 與

成都號為天下繁修故稱揚益紀勝

江都縣 本漢廣陵縣地紀勝 言遠統長江為一都會後

為廣陵國晉復為江都縣上

廣陵城吳王濞都周十四里半一名楊子城在縣北四里州

城正直其上補志輯原文

屬王胥冢歲旱鳴鼓攻之輒致雲雨抱朴子曰吳主時掘大

冢有重閣徹道高可乘馬有銅人皆大冠執劍棺中人鬢已

斑白面體如生以白璧二十枚籍尸舉之有玉形似冬瓜從

懷中墮地兩耳及鼻中有黃金如棗此骸骨因假物而不朽

之效也實字

合濱渠在縣東二里本吳所掘通釋無

今謂之官河亦謂之山陽渚袁宇

大江西北自六合縣界流入晉祖逖擊楫中流自誓之所南

對丹徒之京口舊濶四十餘里今濶十八里魏文帝登廣陵

觀兵戎卒數十萬旌旗數百里臨江見波濤洶湧歎曰吾騎

萬隊何所用之嗟乎固天地所以限南北也紀勝

大銅山在縣西北七十二里漢書吳王濞即山鑄錢此其處

也紀勝

愛敬陂在縣西五十里魏陳登為太守開陂民號愛敬陂亦

號陳登塘紀勝

瓜洲鎮在縣南四十里江濱昔為瓜洲村蓋揚子江中之沙

積也狀如瓜字遙接揚子渡口自開元以來漸為南北襟喉

之地實字

夫差自廣陵城東南築邗城下掘深溝謂之邗江亦曰邗溝

自江東北通謝陽湖通釋

江都故城在縣西南四十六里城臨江水今為水所侵無復

餘址紀勝

邵伯埭在縣東北四十里晉謝安鎮廣陵于城東二十里築

壘名曰新城城北二十里有埭蓋安所築後人思安比于召

伯因以立名紀勝

雷陂在縣北十里漢江都王傳有雷陂紀勝

吳公臺在縣北四里宋沈慶之攻竟陵王誕所築弩臺也後

陳將吳明徹圍北齊東廣州刺史敬子猷冒築之以射城內

因號吳公臺紀勝

江陽縣

茱萸灣在縣東北九里隋仁壽四年開以通漕運其側有茱萸村因以爲名紀勝揚州

六合縣 本楚棠邑春秋伍尙爲棠邑大夫漢封陳嬰爲棠邑侯紀勝 漢堂邑縣屬臨淮後漢屬廣陵吳赤烏十三年

作堂邑涂塘以淹北道後周置方州改六合郡隋爲六合縣唐屬揚州通釋二

瓜步山在縣東南二十里臨大江魏太武至六合登瓜步山

隔江望秣陵纔數十里通釋二

六合山在縣東北八十里通釋二

桃葉山在縣西南七十五里隋文帝開皇三年於此山置六合鎮通釋二

縣有銅城卽吳王鑄劍處寰宇記補志輯

梁于石梁置涇州石梁禹爲理水之門俗稱項口寰宇記補志輯

海陵縣 故楚邑漢以爲縣屬臨淮郡紀勝

鹽監煮鹽六十萬石而楚州鹽城浙西嘉興臨平兩監所出

次焉計每歲天下鹽利當租賦三分之一通釋

海陵倉卽吳王濞之倉也枚乘上書曰水行滿河不如海陵之倉謂海渚之陵因以爲倉紀勝

高郵縣上南至州一百 是秦之高郵亭紀勝高郵軍 三國

時荒廢晉太康時復立上

楊子縣 本漢江都縣地舊揚子鎮城唐高宗時廢鎮置縣

因鎮爲名紀勝

天長縣 本古之千秋縣唐宗開元中以誕辰爲千秋節遂改爲天長寰宇記補志輯

楚州

禹貢揚州之域春秋屬吳戰國屬楚秦屬九江郡漢爲射陽縣地御覽百 宋孝武帝封弟休祐爲山陽王紀勝

山陽縣 本漢射陽縣地紀勝 晉立山陽縣上

射陽湖在縣東南八十里紀勝 漢廣陵王胥有罪其相勝之奏奪王射陂草田賦與窮人張晏曰射水之陂在射陽湖

御覽百 今謂之射陽湖與寶應鹽城分湖爲界榮回三百里紀勝

邑有石鰲山山產石鰲因名今山下有鄧艾築城寰宇記補志輯

淮水入宿遷縣南與縣分中流爲界通釋

寶水今謂之山陽濱卽邗溝也舊水道屈曲隋文帝重加修

水頗通利紀勝

故倉城東南接州城隋開皇初將伐陳因舊城儲蓄軍糧有

通百萬迄千大業末常有積穀隋亂荒廢紀勝

公路浦在縣東南八十里昔袁術向九江奔袁譚路出斯浦

因以名之紀勝

鹽城縣 本漢鹽濱縣屬臨海郡州長百六十里在海中州

上有鹽亭百二十三所每歲煮鹽四十五萬石通釋二 紀

收其利每歲煮鹽四十五萬石勝引作鹽課

孫堅爲鹽濱丞紀勝

寶應縣 本漢平安縣故地後為安宜縣紀勝 楚州

白水陂在縣西八十里鄧艾所立紀勝 楚州

淮陰縣 宋以淮陰為北兖州尋廢紀勝 楚州

盱眙縣 補志無此縣至孫校紀勝 楚州

軍山在縣北六里魏太武築長圍困臧質處鄧艾所營堰澗

為塘以溉稻田紀勝 盱眙

都梁山隋於此置都梁宮出都梁香因名紀勝 盱眙

洪澤浦在縣北三十里本名破釜湖煬帝幸江都經此浦宿

時亢旱至是降雨流汎因改破釜為洪澤紀勝 盱眙

滁州

春秋時楚地在漢為全椒縣也御覽 晉琅邪王伉出滁

中卽此地吳赤烏十三年作堂邑滁塘以淹北道通釋 堂

邑卽今之六合縣紀勝 大同二年於此立南譙州同上

清流縣 本秦建陽邑屬九江郡宋改新昌開皇中改為清

流紀勝 滁州

全椒縣 晉改南譙縣紀勝 武德二年始屬滁州同上

九關山在縣南九十餘里昔項羽兵敗欲東渡烏江塗經此

山與漢兵一日九關因名紀勝 滁州

滁水在縣南六十里其源出廬州梁縣東流經滁及六合縣

至瓜步入於大江紀勝 滁州

和州

禹貢揚州之域春秋及戰國時為楚地秦為歷陽縣屬九江

郡漢為淮南國御覽 後漢揚州移理於此紀勝 吳魏

交爭之所同上 晉平吳立淮南郡後改歷陽郡同上 後齊立

和州同上

歷陽縣 本秦舊縣項羽封范增為歷陽侯縣在水北故曰

歷陽紀勝 北齊以兩國通和改曰和州同上

梁山在縣南七十里俯臨歷水侯景之亂梁王僧辨軍次蕪

湖與景將侯于鏖戰于梁山破之江東有博望山屬姑熟

二山隔江相對如門南朝謂之天門山兩岸山頂各有城並

王元謨所築自六代為都皆於此屯兵捍禦紀勝 和州

橫江在縣東南二十六里直江南采石渡處東漢建安初孫

策自壽春經略江都揚州刺史劉繇遣將屯橫江孫策擊破

之於此隋將韓擒虎平陳自橫江濟亦此處也紀勝 和州

歷陽湖在縣西三十里昔有書生遇一姥姥待之甚厚生謂

姥曰此縣前石龜眼赤血出地當陷為湖姥每往視之門吏

問姥姥具以對吏因以朱點龜眼姥見遂走上西山顧城已

陷今湖中有明府魚婢魚奴魚之名寰宇記 紀勝和州同上

十里又引淮南子云歷陽之都一夕為湖作麻湖歷陽在縣西三

麻字作麻今誤為麻今謂之麻湖者謬也

烏江縣 魏黃初三年曹仁據烏江以討吳晉太康六年始

於東城置烏江縣隸歷陽郡紀勝 和州

安陽渡在縣東北八十里與上元縣對岸紀勝 和州

烏江浦在縣東四里卽亭長艤船之處紀勝 和州

含山縣 本歷陽縣地晉於此置龍亢縣城在縣西八十里